

明
詩
紀
事

明詩紀事卷十五

貴陽陳田輯

用饒

朱同一首

同字大同休甯人學士升子洪武中舉明經爲徽州教授復以人才舉召爲吏部員外郎擢禮部侍郎坐

事死有覆瓿集七卷

四庫總目覆瓿集有范擘跋稱同洪武中以人才舉爲

東宮官尋進禮部侍郎而同時范準作雲漢歸隱圖

跋則云山吏部員外郎升禮部侍郎準字平仲當受

業於同之父升與同交至契所記宜得其實又明史

但載同坐事死而不著其詳蔣一葵堯山堂外紀乃

云同以詞翰受知宮人多乞書便面一日湖溝有浮

尸帝疑之遂賜死其說頗荒唐未可信也集凡詩三

卷多元朱之作爽朗有格文四卷議論純粹不愧儒

一

者之言

田按黃瑜雙槐歲抄稱大同父升得六壬之奧生子
同升課之曰此子後必遭婦人之禍天兵過嶽高皇
帝素知升名召問遂預帷幄密議臨行問所願欲升
蹠而泣曰臣子同後得全軀而死臣在地下亦蒙恩
不淺矣後同仕至禮部侍郎善詩翰大被寵遇禁中
燕壁多其題詠或令題詩賜宮人忽御溝中有流屍
上疑之將殺同因念允升之請令其自經王課精妙
亦至於此與堯山堂外紀所言同一不經今檢覆韻
集有遭誣得罪賦詩見志云四十趨朝五十過典章
事業感所磨九重日月瞻依久一代文章制作多豈
有黃金來暮夜祗愁白髮老風波歸魂不逐東流水
直上長江訴汨羅蓋以贖罪見誅也大同兼長書畫
詩格高老亦明初一作家

題畫

老蚪參天勢欲動古樹錯立交條從清溪雨過生碧雲隔岸
嵐光入橋重小亭臨水清且速怪石翠溼苔蘚妍倚欄讀書
兩忘言豈應未了黃庭篇

散步至楓林

信步尋春不知遠
小逕委蛇繞平巘
雨餘翠滑石磴危
青梅如豆低垂枝
屋上青山壓簷重
風裏幽禽時一弄
主人不歸柴門關
山犬認人自迎送
花落烏啼白日閑
依微機杼鳴林間
徘徊不覺歸來晚
淡黃落日啣空山

登子陵釣臺有感

清曉扁舟維岸陰
百年幾渡來登臨
遊人仰扳石磴險
飛臺俯瞰滄波深
客星帝座一時事
江水雲山千古心
哲人去矣不可見
擊劍空作秋龍吟

歸故宅

曲曲清溪來往頻
故園又得見先春
笋穿舍北竹繞屋
梅倚

月言系圖卷一三
二
墻頭花笑人泉石幾家供客眼江山萬里暗兵塵由來軒冕
多翻覆澗水松風未是貧

上江山中卽事

山上青山樓上樓結樓高下倚林邨通幽一逕苔蘚滑壓檐
四山空翠流松梢滴露作疎雨嵐氣入簷生早秋我來暫下
陳蕃榻一洗生平今古愁

至楓林登東山樓有感

樓隱喬林白日長桂花不斷四時香山蒸嵐氣作朝雨竹引
水風生晚涼身在豈應愁計拙興來肯復動詩狂東山一爲
蒼生出贏得人間話幾場

上巳日苦雨寄汪彥暉

三月三日苦泥湫春遊無計令人愁雲低暮色近垂地風捲
濤聲遙撼樓青天白日定何所急雷轟電方未休最憐桃李
花開處雨橫風狂不自由

題琴趣軒卷

淨几鑪煙晝靜小齋花氣春酣莫作商聲秋調鶯啼三月江
南

泛舟嚴陵

雨聲微曉收不住船頭水高三尺強只須多買威平酒中流
擊楫歌滄浪

楊妃上馬圖

錦鞵銀鞍映綺羅開元猶是舊山河海棠春暖嬌無力寫向

生綃恨轉多

墨菊寄方山程德明

方山處士別我久每挹高風晚節香賴此鷺谿三尺雪寄君
日日作重陽

竹枝詞

二首

郎心恰似江上蓬昨日南風今北風妾心恰似七寶塔南高
峯對北高峯

茜紅裙子縷金紗多在湖船少在家黃衣年少不相識白日
敲門來索茶

鄭潛

五首

潛字彥昭歙人元季爲泉州路總管洪武初除寶應

初召拜禮部侍郎以親老辭歸再徵爲溧陽教諭有

樵海稿

田按邢子愿云前代拓帙墨後徵以駱駝油少澤之其光可鑒而無卵清膠粘氣文仲送殷孝章之咸陽詩云故國已消龍虎氣斷碑猶打駱駝膏入詩頗新

花遊曲

館娃宮裏春迷濛雜花芳菲嬌亞風油壁香車度花裏笑解
珠纓被春水水邊小艇忽到門鱗鱗綠濺金鴨裙尤雲帶雨
踏歌步春風喚愁花下墓流光去去不復來縵酒且進芙蓉
杯鷓鴣珠串落碧瑛梳鳳槽聲催紅玉板宴遊未終山日西柔
纖捧硯索新題風流文采瑤林使肯數玉人裝十四宮中分
散五雲箋更賜一曲曉山笳

六祝齋華記至正戊子三月十日會稽楊維禎同貞
居張伯雨諸人遊石湖有脩莫氏修石湖志乃以
曲一章詞情美麗實一時之盛惜特作蠅頭細書
爲稼而去之文太史微仲深爲惋謂志乘成於一
錄成卷仍爲補圖留作山中故資余謂志不若托於
人之意修改不常如此瑰璋之詞托於志不若托於
太史之寶圖名翰爲不朽余愛其詞一錄之
田按竹鞭所錄者楊維禎阿瑛翼袁華馬磨陸
仁秦約于立並徵仲竹鞭追和之作今僅綴鐵崖原
春淡袁文李三詩於文仲之後錄崖詩云三月十日
燿與湖飛水虹女忽當門午光穿滿海霞裙美人
湖空躡飛步上頭小眞基華陽老仙翁催花板
老仙醉筆石闌西一片花飛落粉題蓬萊宮中花報
使花信明朝二十四老仙更試蜀麻箋細寫春江花
月爲子英詩云煙雲撲霧搖空濛遊絲弱絮柔風
木蘭載春石湖裏手弄瓊瑤英羽春水織箇仙人招
門鸞旌小队青霓裙淺波雙飛動微步冷情漫憶鴛
鸞墓踏青地能幾來便須一飲三千杯血色荷
蕤水梳鬢袍催紫牙板旗縵紗青鳥西口啣紅
巾絨舊題瓊林冥中探春使散子遠賜緋四醉攜

翠袖寫銀箋不數公子花遊篇微仲詩云石湖雨歇
山空濛美人卻扇歌迴風歌聲宛轉菱花裏鴛鴦飛
來天拍水常時仙伯醉雲門酒痕翻汗石柁遺蹤
無復芳塵步湖上空餘昔人墓昔人既去今人來千
載風流付一杯雪藕銀絲薦冰梳蛺蝶穿花逐歌板
夕陽剛在畫橋西一段春光屬品題傷心不見俗花
使只有黃鸝號再四無限春愁誰與幾仙人會唱紫
霞篇竹嬾詩云笑倚吳娃唱紫濼十尋錦纜石湖風
蘭棹雪腕煙花裏屬玉飛雙照水水晶宮殿花壓
門纖句慙蹙樓金裙山腰巧作迴鸞步眞珠雨溼埋
香墓凝眸御扇花片來輕紅縵綠浮春杯玻璃百坡
青瑤梳纓符廚開矜玉板海月吐東湖捲西琵琶重
撥潯陽題尋花怕遣蜂作使狐藉胭脂愁數四城愁
悉付研光箋勞勞絮絮新春篇

漁莊欸歌

公子漁莊秋氣高灣灣野水曲塘坳隔林月出車輪大照見

花間翳翠巢

金菊粉葉秋水濱恰如生色畫屏新蕩舟直過紅橋去小隊

遊魚不避人

桂彥良 二首

彥良名德稱以字行慈溪人元進士爲包山書院山
長改平江路教授洪武初徵授太子正字尋爲晉府
右傅改長史追贈編修諡敬裕有清節清溪春和詠
言山西桂笏老拙和陶中都紀行等集

送田仲茂宰西川

天門傳制拜新除西入成都萬里餘江上好風吹去棹邑中
故老候來車巴園五月收丹橘丙穴三春饌白魚卻憶文翁
遺化在何因公暇說詩書

靜志居詩話長史以穗望重韻語非其所長然如巴
園五月收丹橘丙穴三春饌白魚亦小有風致吳江

史明古爲作傳稱孝陵嘗採蛭蚪云池上看蛭蚪分
明古篆文命長史續之應聲曰惟因藏水底秦火不
能焚可稱敏絕

送顧謹中少尹赴荊州

曾讀皇明混一篇煥如霞錦濯晴川長才合置鸞坡上秀句
新傳鳳榻前斗邑爲丞資薄祿扁舟奉母念高年艱難自少
今成立未必哦松讓昔賢

旧按謹中皇明混一頌頗有時名解大神云臣紆近
奉内廷獲親所御書籍見其題曰顯祿詩集二編此
詩秀句新傳鳳榻前當卽指此事也

范準二首

準字平仲休甯人洪武中以明經舉爲休甯訓導擢
吳堡知縣遷工部主事有齋甕悉白何陋軒西遊諸

棄

無腳雞

有序

山行見田家伏雌無腳鼓翼而行詢之農牝也戒其
家烹之賦此紀異

羣雞唱罷山月落一雞峩冠卻無腳脰膊轉雌聲乃與
雄雞相對鳴有翎飛不高無足胡能行徒爲牝農禍家庭羽
毛之孽何由生氣淫迺乖非祥禎德輝之鳥翔千仞安肯下
食共爾相喧爭

題小畫留別韓文忠二尹

夜來夢到吳塘路月冷霜寒白雁啼今日題詩看畫處隔江
山色是淮西

朱模 一首

模字子範休甯人官六安州判洪武三年捕賊遇害

有白沙行藁二卷

宿羊舌城

舒蓼皆侯國春秋川甲兵晚炊投野店日落弔荒城古渡漁
燈滅陰房鬼火明愁來不成寐欹枕聽雞鳴

方時舉 三首

時舉初名槐又名樸以字行莆田人洪武初官興化

訓導有方壺集

田按閩中有壺山文會初會九人朱貴誠方樸朱德
善邱伯安蔡景誠陳本初楊元吉劉晟陳觀續會者
十三人陳惟鼎李苾郭完陳必大吳元善方炯鄭德
孚黃性初黃安陳熙方坦葉源中釋清源月必一會

賦詩彈琴清談雅歌以爲樂余始見福建通志有方
樸等壺山文會集選檢鄧王臣詩風清續集而其事
始詳凡與會者共二十二舉等十二人結社王臣譏
完元末隱于壺山與方時舉等十二人結社王臣譏
其失考以閩人考閩事此固其專長耳壺山會中詩
多雅者以較十才子詩不多讓也時舉有莆陽人物
志福建通志既錄方樸莆陽人物志二卷此後又有
方時舉莆陽人物志二卷歧爲二人誤矣

普覺堂

普覺有何好秋來事事幽
風檐落相子榕葉覆溪舟
隱几山當戶翻經月到樓
誰爲姑射牧茅屋隔滄洲

和陳廷中避地南泉

思君時復上寒岩十月林巒尙翠嵐
溪竹裁成綠玉杖石橋拄過白雲菴
客懷最與山僧似時事難從野叟談
卻憶當年杜陵老卜居正近浣花潭

會口懷雪巢石溪二君卧病

年來自覺親朋少今日相逢白髮多風雨棲遲一樽酒令人
長憶病維摩

陳觀一首

觀字莒峯莆田人洪武初以薦官陝西右參政有輟

耕吟稿

鄭王臣蘭陔詩話莒峯應召至京朝謁太祖顧問曰
彼長而智者何人莒峯出對試以王猛捫虱論稱旨
授陝西右參政在官以清介聞朱竹垞云洪永間有
四陳觀獨不及莒峯偶失考耳莒峯少預壺山文會
詩有唐人風致

與方履道會陳岩紫雲蘭若是日方用晦釋清源諸人

有事不赴並懷之

佳侶往何所遠渡溪之滸齊攀仙巖雲共宿瓊樓雨素琴奏
梅花清歌發白牯獨懷山下人無由共芳醕

劉辰一首

晟字性存莆田人洪武中以薦官南陽知縣

田按性存入壺山文會詩最傑出惜不多見

真率會

炎靈運元化衣冠集芳辰
幡幡斯達尊濟濟凡七人
琴瑟既在御豆登亦復陳
旨酒式燕樂太羹薄肥珍
登歌間行葦稱觴壽千春
德將諒無醉既醉不尖真
陶然宇宙間螭菌焉足論
光風泛蘭蕙好鳥鳴及晨
江漢日云遠道義日益親
覽圖百載下安得風再瀆
願言繼遺響遙睇洛水濱

賀守約二首

守約字禮齋永新人明初薦授永新教諭政光山有
禮齋詩集

永新學署有感

一曲鏡湖在衣冠六百年家貧無負郭世守有殘簫竹下紉
蘭佩雲根漱菊泉相期歲寒在梅石共清堅

遊禾山龍門溪

秋山蒼翠接空冥七十一峯如畫屏雁塔遺基藤蔓紫龍門
題墨薜花青幾從石上看棋局仍向雲間刷茯苓鶴隴幸容
孤迹住天書何事又巖扃

龍玉泉一首

玉泉字雲壑永新人明初舉賢良方正官知縣

題南臺

秋松落層陰秋水蕩寒碧一曲紫瑤琴空山暮天寂

文魯麟一首

魯麟字東魯永新人元至正丁亥鄉舉洪武初舉賢良官永新學正有筇峯集

七馬圖爲貢叔英題

吾聞渥洼水接銀潢碧產此八駿無人識當時周滿欣得之要令四海皆轍迹就中一匹真奇絕從駕不受黃金羈一朝逸去收不得飄忽雲霄攢四蹄其餘七匹皆神駿一一具有真龍性五馬渡江一馬隨龍草飲泉筋骨勁一馬振鬣當風

前目光夾鏡尻睂圓攬身正面如人立奚奴敏捷那能鞭玉
堂學士蕭夫子筆端獵獵霜風起金鑾草制有餘閒寫此曉
騰世無比中郎愛馬仍愛圖揭來一見爲嗟吁致之座右重
珍惜芸窗把玩時卷舒我今作詩爲題品不見驂騑空見影
安得若此毛骨千萬羣掃空沙漠清龍庭

杜隰一首

隰字宗原松江人洪武初官贊禮郎使緬還擢禮科
給事中有雙清集十卷

王昶青浦詩傳明初南緬不庭宗原奉詔撫之緬人
馳金帛而求題詠者車滿郵亭歸而達諸朝太祖爲
製御序

懷古

吾愛陶彭澤蕭然遺世姿高情託雲鳥苦節寄東籬餓驅時
出戶酌酒卽成詩五男俱用晦三徑獨逶迤門種先生柳卧
與羲皇期斯人悵已矣清風良在茲

任原一首

原字本立休甯人明初以武功厯官至顯武將軍雄
峯翼管軍萬戶有集

田按明初休甯文士以武功顯者有任本立原俞子
茂榮于茂鎮禾川有威惠其平符溪凱旋馬上作云
翠壺欵送民連野策馬歸來雪滿身雲陽李祁和之
且爲之序云禾川有符溪者旣復振公破其寨縛
其渠魁誅黨惡數十人平民從遣還舍積羊雞犬悉
令認辨給還民大欣悅公旣還府寮佐戚集獨留儒
學士十數人列燭張宴坐中口占馬上所得詩數寶
咸和乃緝成卷僕從眾賓之後和之曰溪橋石路不
生塵幕下初聞號令新士卒銜枚銜夜雪將軍橫槊
賦陽春已擒渠惡從梟首未死么麼許乞身德意已

字威力著愧無椽筆紀蒼珉子茂文采不及本立因錄本立詩附見其事於此

送舒從事還南海

老逢離別倍傷情一騎臨秋復遠行
客路驚心孤雁影家林入夢斷猿聲
珠崖落日天低海銅柱雲寒雨過城
翻憶舊遊多感慨獨嗟書劍誤儒生

王善慶

一首

善慶字士積歙人有秋齋野趣

過迴流寺

雲埋殿閣迴流寺春水衝崖復到山
僧衲挂枝庭樹老禪床指石洞雲閒
久無山鬼吹燈火時有淵龍護法壇
我亦長歌來徙倚滿襟清思隔塵寰

吳舜舉 一首

舜舉字士源歙人洪武初以耆儒舉授徽州教授有

石溪吟藁

寄溆安徐大年

歙南山去一百里秋盡春來信不聞昔日登樓同聽雨今年
幽谷飽看雲管甯豈是遼東客伯樂曾空冀北羣安得俗塵
長謝卻挾書林下共朝暉

黃思永 一首

思永莆田人洪武中官福安教諭

老圃書堂

瓜地書廬僻柴門闕碧流波光搖席冷山色入簾幽琴撫聽

黃鶴樽開近白鷗芳鄰有如此宜爾賦歸休

蔡景一首

景字元昶江陰人徙居松江

贈略道權上人

客邊相見雪盈頭蓬底談詩紀昔遊
百里雲山黃葉寺十年鷗鷺白蘋洲
雨花風暝香生座梵唄風清月滿樓
昨夜南湖秋水漲浩歌又上木蘭舟

柯欽一首

欽字叔敬莆田人洪武中官興化訓導有采薇集

蘭陔詩話欽自號深隱老人詩源出晚唐其七言如空城落木羣鴉噪斜日西風瘦馬行亦高唱也

覽岡仲旅吟藁有感

故里歸來夢寐空，客懷偏在苦吟中。
三年枕畔梧桐雨，一夜江頭杜宇風。
日暮荒阡松樹綠，春深廢圃海棠紅。
朱甍碧瓦輸時世，粉蝶差差過屋東。

伍衡一首

衡字時敏，莆田人，洪武中官增城知縣。

蘭陵詩話前輩稱時敏歌行麗得奇，峴有溫李遺意，近體充瞻英美，惜其集散佚不傳。

和連汝信

習靜幽齋絕外思，景清情曠兩相宜。
風薰花氣時侵夢，雨漱溪聲寒入詩。
魚近碧闌人狎見，鹿眠香芷客來疑。
時時懸榻需君至，此興旁人未必知。

王子魯一首

子魯自號笙鶴道人高唐人洪武中官河間教授

馬灣曉月

古河一曲環籥隄天光滉漾浮瓊瑤漁翁待旦掉船去白鷗

飛過黃蘆西

黃孟良 一首

孟良名德貴以字行莆田人洪武中徵辟授松陽主簿
擢知縣有老圃居士詩稿二卷

九鯉湖

人已昇仙鯉化龍伊誰湖上構仙宮石遺丹鼎滃浚裏煙鎖
樓臺縹緲中青鳥去來猶夜月碧桃開落自春風此行非爲
邯鄲夢擬向橋頭問石公

蘭陵詩話孟良洪武三年被徵以不識字辭仇家上
其九經湖詩械繫至京太祖覽詩稱善卽日除官亦
云厚幸後竟坐事誦戍

余師孔 二首

師孔字愚軒莆田人洪武中官興化訓導有文安集
二卷

山居偶興

結屋深山中山深四時樂幽居不記年只看花開落
扶筇來石室空谷絕人行不辨入山路惟聞啼鳥聲

徐松 一首

松字喬年上虞人洪武中福建按察僉事

擬孟浩然永嘉上浦館逢張八子容

逢君懷往事對酒話多時
荒館天涯夢殘燈醉後詩
沙城臨海國人語雜蠻夷
共歎浮蹤遠相看但莫悲

彭友信 一首

友信字以實攸縣人洪武初貢生召對稱旨授北平
布政使有方伯集

宋丞相文文山三月三日獄中遺墨

崖山雲寒海舟覆六載孤臣老
幽獄東風嘯鳩三月三五陵
望斷春蕪綠長帆昔挂秦淮船
手持一柱擎南天閒關嶺海
血灑檄回首家國如飛煙
六宮粉黛黃沙裏漢火無光吹不
起全軀肯學褚淵生嚼舌甘爲
梟卿死落花上巳風雨時展
卷如對麟鳳姿再拜酌公金屈
卮有口不讀蘭亭詩

王瑄 二首

日言系圖卷一

三

瑄字汝器長洲人立中子洪武中吏部主事

田按洪武時有兩王瑄一字汝器長洲人一
長山人洪武實錄六年正月甲寅以舉大張
李端張淵為翰林院編修蕭韶為祕書監直
以王瑄張鳳任敬馬亮陳敏俱為編修是時
人至京太祖欲造就其才擇其年少俊異者
修賜冠帶衣服令入禁中文華堂肄業詔太子
大夫朱濂等為之師濂集有王宗器字辭云王
字宗器其先太原人今家濟南之長山洪武五
易經舉進士山東名第三既上南宮未試皇上
見便殿親命題賦詩成稱旨擢史館編修入文
堂肄業詔翰林老臣為師近又使瑄攝御史廉
南歸奏對稱旨錢收齋列朝詩集錄汝器詩誤
器事敘入仕履云洪武壬子以會試舉子簡授
肄業文華堂後為吏部主事蓋不知山東別有
瑄牽合為一踏駭可啞又黃瑜雙槐抄敘文華
肄業事云水東日記以王瑄為姑蘇人蓋誤則
不自牧齋始矣宗器有醉學士歌余已錄附張
後

春日過溪山訪良夫先生

伊余蹇世用野性遂成疾欲追故人蹤忘此山水癖茲晨屬
休暢曳杖窮閔歷愒息嘉樹林逍遙美泉石洞庭縱矚覽鄧
尉屢攀陟平湖汎晴波青苔印行迹靈霄曠清溪煙霞閉幽
寂愛茲風日佳樂與禽鳥得宛彼二三友獲此竟晨夕興盡
復言旋賦詩寫良覲

近過山中耕漁軒得相款曲登覽之餘兼辱庖廚之擾
言笑啟沃深慰夙昔歸坐茅屋唯有馳戀而已輒賦

五言奉寄

佳會良不易清遊踐前期留連閱信宿登眺自無時山川有
餘覽風物良足娛感子情誼篤具饌揚清卮高軒過疏雨水

木澹晴輝列坐盡羣彥笑一解頤心目共開豁神思亦忘
疲歸來青山下相望如渴饑宴坐白雲裏與世終永辭

徐裕 一首

裕字用貴上虞人洪武中高羅巡檢

武陵泛舟

移棹武陵路桃花澗水分人家春鳥樹樵唱暮山雲沙渚飛
鷗鳥溪田過鹿羣到來機事息不道世紛紛

徐禮 一首

禮字用上虞人洪武中孟縣主簿遷縣丞

渡荆門望楚

亂峰前路迴旅況正紛紛落日荆門望青天楚國分荒城迷

郢樹孤棹入蠻雲誰念天涯客西風見雁羣

陳山一首

山字伯高上虞人洪武中瓊山知縣

竹枝詞

桃葉扇寫竹枝歌搖曳清江照翠娥夾岸芙蓉秋水闊薄暮
雲生愁思多

明詩紀事卷十六

貴陽陳田輯

甲籤

藍仁十六首

仁字靜之崇安人明初徙濠尋放還有藍山集六卷

杭世駿榕陰詩話二藍集閩人無知者何氏閩書藍

仁有藍山集藍智有藍潤集昆友倡之集本合刻吳明

十子之先閩中詩派實其山集是洪武時刊有蔣易張

經焯嘗於吳門買得藍山集洪武時刊有蔣易張

築二序與竹垞言總合而藍潤集究不可購徐惟和

輯晉安風雅時二藍關焉則此集之亡久矣撰前有
陸心源儀顧堂題跋藍山詩集六卷明藍仁撰前有
正統二年丁巳秋八月朔嘉議大夫禮部左侍郎陳
珣序洪武庚辰歲花辰日武夷文西江吉水倪伯
文序雲松樵者張架序橘山真逸蔣易序計詩六百
八十餘首藍潤詩集六卷明藍智撰題曰友生程嗣
祖奇遠編集前有至正壬寅冬戊子進士戶部尙書

月寺已

一

西夏張昶序張祭題蔣易序計詩五百餘首案兩集

明正統以後無重刻本故流傳甚少乾隆中開四

庫館亦無人進呈館臣從承樂大典抄出著於錄藍

山集得詩五百餘首藍山集得詩三百五十首此從

明刻原本抄出藍山集得詩較大典本約增三分之一

集多得詩一百五十餘首較大典本約增三分之一

近闕中郭兼秋主事重刻二集不言所據為何本前

無原序核其詩與提要錄之數相符當即大典傳

抄本也藍山集誤收藍山詩五首此非館臣收

藍山詩三十餘首永樂大典修諸臣草率之故

之誤乃永樂大典修諸臣草率之故

田按竹垞稱藍山儀顧堂題跋所謂郭氏新刻藍

初集誤刊正而陸氏儀顧堂題跋所謂郭氏新刻藍

山集誤收藍山詩五首者中如秋山懷友擬貧

士宿田家望武夷山宿橋山田家懷簡我同志暮秋

家正月十四日西山暮歸典風雨不己簡我同志暮秋

慎鄭居貞西山暮歸典風雨不己簡我同志暮秋

山詩正與郭氏本一一相合大抵郭氏所據之竹四

庫本與竹垞所見之本相同陸氏所得之本藍山紛如

認今亦不能定為誰是非也惟陸氏本藍山紛如

有倪文伯序藍澗集多有張昶序又二集詩各多至百五十餘首此亦足廣異聞耳藍山骨格老蒼藍澗音節高亮二人才力各不相下余錄明人之兄弟稱詩者當以二藍爲開先矣

余復嬰近以方壺所寫大王峯轉惠暇日展玩殊有幽

趣因題長句

方壺畫山世有名生紙一幅塗縱橫孤峯倚天旭日上危石
拔地秋風生壯遊會來拾瑤草夢裏武夷青未了紫陽五曲
石門荒金老三間茅屋小典來放筆起層巒萬仞嵯峨咫尺
間龍洞雲煙含宿雨鶴壇星月滿空山武林道士余三一來
榻松根講周易十年不出鬢垂絲九轉將成眼如漆新圖千
里寄神交東南一柱青天高願授神方服石髓共聽仙樂鳴
雲璈閒窗持贈深有意念我衰年住污世便欲呼兒挽鹿車

從此相隨入蒼翠

寄張雲松

關塞風塵暗山林出處難
生涯謀釣艇世事笑儒冠
有酒判長醉無衣度苦寒
南山有奇士扣角夜漫漫

題吳德暘山水小影

雲山分遠近水石助清幽
老眼看名畫深懷似故邱
草迷行鶴徑藤引釣魚舟
賣藥忘機者無人識百休

病中

卧病秋將盡艱難日又增
夜深方著枕戶遠更留燈
鄰畏呻吟近僮來抑按
能有身應有患空寂未如僧

代毛生答

淨世容身狹韶光過眼非瓦盆盛社酒榭葉製秋衣禮節休
拘束漁樵乞放歸前林逐麋鹿未與素心違

九日西莊懷弟

衰年無力遠登臨短杖扶持叩竹扃雨過林間雙澗碧雲消
天際一峯青黃花寂寞憎詩瘦白髮淒涼畏酒醒心把茱萸
思骨肉雁聲孤起夕陽汀

雪中偶成

背郭茅堂早閉門天寒獨戀緼袍溫琴書散漫無賓客稼穡
艱難有子孫竹杖稍能扶病力梅花強欲惱吟魂蹇驢踏雪
如堪借行盡溪南數里村

春日憶章屯故居

衰年長愧北山靈春日題詩憶翠屏茅屋也從人借住柴門
不爲客來扃林陰嵐溼藏書架爐冷苔侵煮茗瓶惆悵聞窗
中悅在孤墳宿草已青青

題西山菴

空山寂寞守巖扃獨鶴樓樓傍草亭曉鏡又催霜雪白秋衣
不換芰荷青仙人住處多栽藥野老來時或負苓同氣雕殘
衰朽在百年光景似晨星

送貢祕書入京

滄海樓船衛百靈祕書領旨赴朝廷近開東觀延卿月舊入
南闈識使星一代文章推大手百年禮樂抱遺經蓬萊不許
凡人到空想藜光夜夜青

次雲松長山道中

人煙蕭索石田荒茅屋低斜倚
磗岡雪裏送租衝虎過雨中
乏食學蠶殭三丁編戶衣裝急
百斂沿村土木忙懶共老農
談世事自搔短髮對斜陽

賦網巾

白頭難掩雪霜蹤
纖手穿成絡索同
映帶暮年微矍鑠
遮藏秋色久
鬢髮牽絲祇訝蛛
臨戶覽鏡翻愁鶴
在籠便與黃花相見好
不愁破帽落西風

靜志居詩話網巾之制相傳明孝陵徵行見之於神樂觀遂取其式頒行天下冠禮加此以爲成人三百年未之改然題詠者寡獨藍靜之有三詩予錄其一焉其二詩謝劉蘭室見惠而作一云故人於我最相親分惠青絲作網巾鏡裏形容加束縛眼中綱目細條陳少遮白髮安垂老轉襖烏紗障俗塵更與籜冠

紫杖稱世間，還有葛天民。一云：故人念我鬢毛疏，結網裁巾寄傲廬。白雪盈簪收已盡，烏紗著紙畫難如。門臨寒水頻看鏡，籬掩秋蓮又用梳。昨日客來應怪問，衰年欲變少年餘。

宗室恆仁月山詩話：朱竹垞云：網巾之制，相傳明孝陵微行見之。云：獨藍靜之有詩：余觀謝宗可咏物詩，有賦網巾云：篩影細分雲縷滑，棋文斜界雪絲乾。蓋元時已有之矣。

寄明之弟

秋風長作客南望，一沾巾茅屋生春草。歸來相對貧。

古木蒼藤圖

風雲氣質雪霜蹤，獨立空山慘淡中。慚愧藤蘿爭附託，年年春色換青紅。

和雲松雪中 二首

夜雪茅簷積漸高，傍林時聽折危梢。南山石上雙松樹，莫更

動搖仙鶴巢

亂來雙鬢俱成雪對雪疑窺鏡裏顏明日春風消釋盡祇留
鬢影對青山

藍智 三十八首

智字明之仁弟洪武中用薦授廣西按察僉事有藍

澗集六卷

四庫總目藍智詩清新婉約足以肩隨其兄五言結體
高雅脩然塵外雖雄快不足而雋逸有餘七言頗排

劉亮亦無失唐人矩矱

筆精武夷藍明之名智永樂中辟爲廣西僉憲與兄

布衣靜之齊名詩詞俊逸雅有唐風嘗見其書銅雀

臺瓦詩於建陽友人處可泣鬼神詩云曹瞞騁志吞

劉社銅雀臺高瞰中夏徒知扼腕有卧龍豈料垂延

己司馬萬里河山尚出師九原魂魄歸何時清秋風

雨滿陵樹落日笙歌空總惟翠蛾紅袖恩情絕廢塚
荒臺孤兔穴空餘片瓦落人間千載奸雄磨未滅

明三十家詩選明之五律老成鎔鍊卓然長城殆駁

田按藍澗集四庫錄本僅三百餘首余所得藍氏

刻本多百餘首前有張昶序與陸氏儀顧堂本同昶

序云崇安藍明之長於詩古彷彿魏晉律似盛唐長

句豪健五言溫雅昶作序在至正壬寅當元時己名

重如此明之集中有贈張尙書四十韻即贈昶也藍

澗佳什琳瑯滿目詩綜所錄寥寥特備錄之以補其

缺杭堇浦謂二藍集閩人無知者殊不然曹石倉明

與詩選錄二藍詩至二卷蓋會見全集者明之爲廣

西僉憲在洪武十年徐氏筆精謂永樂中辟爲僉憲

誤矣

述懷

煩憂不自整出門欲何之遙登西北邱悵望滄海涯興隨積
水極心與浮雲馳喬木無留葉流光去如遺昔感倉庚鳴今
聆蟋蟀悲諒非金石軀齒髮日夜衰斗酒呼良朋爲樂當及
時聖賢不得志空言竟無施徒有千載名寂寞何所知

飲酒

鳳凰翔千仞鷦鷯巢一枝達士志常高鄙夫懷其卑富貴雖
所願貧賤亦所宜聖賢有中道千載誰與期采采東籬菊
畦南山芝我酒日已熟我杯時一持醉來望白雲朗詠貧士

詩

廢井

靈源洩陰岑古甃涵清樾波濤逗海眼疏鑿當山骨陰凝龍
蛇氣冷浸黿鼉窟餘潤滋稻粱清涼颯毛髮豈知陵谷移泉
源有壅過非無涓滴流竟爲泥沙汨莓苔空青青盡日相
眙轆轤卧枯桐迴首腸內熱况當朱鳥中炎風毆旱魃我圃
就焦枯嘉蔬幾生活憑軒望雲雨神物竟寥濶安得神禹功

於焉引溟渤當令顛涯人自此無饑渴

題黃道士仙巖茅屋圖

仙巖正窈窕茅屋何蕭爽道人日暮歸瑤草春來長雲氣自舒卷鳥鳴時下上渺渺武夷君千峯入遐想

廬山

何年李謫仙讀書石床下雲巢雙青松秋色正瀟灑時登五老峯獨酌壺中春舉杯問淵明誰是羲皇人鸞鳳望赤霄蛟龍卧空谷蒼崖漱飛泉欬唾成珠玉顛倒雲錦袍酣歌漫揮毫文光一萬丈更比廬山高一落五湖上秋風怨華髮千古不歸來長庚夜如月

暮經零陵望愚溪懷柳司馬

湘川入零陵百里盡崖石野曠生夕陰山空澹秋色緬懷柳
河東微宦曾遠謫才名一代雄文藻萬人傑朝游愚溪水暮
返愚溪宅當時嘯歌地千古仰遺迹草木含清芬山川曜潛
德鼓泄下中流江清月華白

忻城公館

清暉抱迴洲密竹何瀟灑雖有公館名頗類村居者茅屋三
四家寂寞無車馬縣官坐堂上猿人立堂下風俗自強獷衣
冠眞鄙野俾之知逆順責在任民社慎勿示姑息善政資陶
冶疊嶂不易青臨風獨悲咤

舟中望長洲田家

積流會澄川浮沙互長洲上有嘉樹林下有良田疇漁樵自

成村桑麻翳榛邱犬吠林巷深鳥鳴田舍幽落日負耒歸涼
颺蕩輕舟斯人亦何者樂哉以優游羈懷迫道路悵望徒淹
留

送閩縣史邱子脩同三山

我昔南遊訪蓬島越王城郭生芳草釣龍臺下晚潮空道山
亭上秋風早朱樓綺戶歌太平邊塵不驚河水清祇將六籍
論經濟何用萬里求功名豈信流光不相待風景未殊人事
改羞將藥裹對青山獨向雲林望滄海浮邱之子黃鶴姿羽
人會作滄海期醉持瑤草渡弱水笑接白雲來武夷昨朝別
我三山去卻憶當年舊遊處世事悠悠西浦波愁心慙歷洪
塘樹人生行樂在青春出門四顧多煙塵少年裘馬誇意氣

自古文章難致身山川蕭瑟年華晚
季子貂裘雪霜滿扁舟何處夢
相思日落江空雁聲遠

相逢行贈徐剛中之建甯兼柬黃彥美總帥

去年逢君紫霞洲今日逢君滄海頭
逢君處處好顏色歎我年年長作客
被褐昂藏七尺軀蟠胸磊落五車書
姑蘇臺北曾走馬越王城南還釣魚
看花夢想揚州遠采藥歸來杏林晚
堂上慈親鶴髮長堦前幼女鵲衣短
見君雖貧不解愁結交盡是豪俠流
侯門咫尺恥干謁客路尋常歌遠遊
我亦扁舟滯江浦握手相看總羈旅
千年龍劍蝕塵泥三月鶯花老風雨
明日洪塘又送君離亭詩思正紛紛
黃壚有酒莫漫醉待余同擬梅仙雲

丹崖歌崖在大花灘之上西去零陵五十里望之若雲

錦然

斷崖千尺雲錦懸芙蓉薜荔搖空煙珊瑚鐵網相鉤連赤豹
下搏蒼龍淵旁有石穴疑可穿洞門深鎖朱陵天我欲徑入
求神仙丹光出林夜赫然紅葉如雨墮我前青鳥飛去何時
還我方持節西南偏石壁有路無由緣赤松黃石書可傳桃
花一笑三千年

老君洞

混沌始鑿開玉融瑤臺隱映青芙蓉下有洞穴如崆峒玉樓
十二高玲瓏丹崖紫氣浮空濛何年玄元降其中伐毛洗髓
遊太空遺形歲久金石同元精變化不可窮雁眉皓首成老

翁玉局儼坐神霄宮
獅子前導猿後從
幡幢飄飄羽蓋重
海月照見香爐峰
寶劍倒挂蒼精龍
石梁懸瀑聲淙淙
我來飛雪當嚴冬
瑤草凝碧桃花紅
花開一笑雙玉童
授以錦書石髓封
道言五千方擊蒙
竊兮冥兮道之宗
無爲自然成汝功
谷神立牝翁以通
壽命天地相始終
吁嗟小臣等蟻螻
上帝有敕按疲癯
萬里馳驅雙鬢蓬
人間歲月苦匆匆
投簪未暇巢雲松
白鶴飛去天南東
長歌林谷來清風

春日憶延平舊遊寄巖漢材

疎雨溪南寺青春
劍外天維舟思別
日覽鏡惜流年羈
旅今何適微官亦
可憐乾坤一杯酒
出處共茫然

藍洲草堂

翠微春雨潤虛白野堂清道士留丹訣鄰僧問藥名龍歸時
化劍鶴過夜聞笙亦是忘機者真堪托此生

聞藍山兄寓滁州

番水初傳信滁山想定居秋吟兼蟋蟀晚飯得鱸魚落月滄
江濶涼風白髮疏兵戈關塞隔不敢問何如

山中漫題

讀書期有用閉戶恥無能落葉空山雨疏鐘獨夜燈人稱楊
里子住近石門僧靜坐觀詩妙須參最上乘

秋日遊石堂奉呈盧僉憲

荒郊通徑僻野竹閉門深白日羲皇世青山綺皓心潛蛟多
在壑宿鳥獨歸林知爾荷鋤倦時爲梁甫吟

雪後舟泊武夷

泊舟青嶂下同首翠微間殘雪孤村樹歸雲何處山石門無
犬吠松徑有僧還書劍嗟漂泊山林未得閒

建溪

建溪三百里勢若建瓴奔石觸波濤惡山連霧雨昏蛟龍餘
舊窟豺虎似空村行路難如此生涯未敢論

懷川晚立

清川繞縣衙小立共汀沙暝色催歸鳥春愁對落花江湖頻
戀闕風雨更思家出處成何事惟添兩鬢華

恭城縣

十室黃茅邑千峯紅葉村喧卑蠻俗異質樸古風存雞犬連

豸言系圖卷十一
二
豸洞牛羊到縣門殘年歷荒微遊布聖明恩

晚立懷友

野曠行人絕林空墮葉聞客愁當落日詩思入寒雲草暗防
蛇毒山昏過虎羣梅花萬里道歲晚正思君

旅寓

旅寓真如此空堂思悄然秋聲一葉下暝色數峯連涉世方
知命清心已悟禪鏡中窺短髮蕭颯感流年

柳城縣

青山入縣庭小邑但荒城竹覆茅茨冷江涵石壁清草蟲當
戶墮水鳥上堦行問俗知無事松風一舸輕

賓州九日作

三年頻客路九日又賓州野圃黃花晚空江白雁秋無錢從
止酒有賦倦登樓迴首關山遠蕭蕭落葉愁

幔亭峯

兩崖離立陰陰然上有喬木高參天仙家樓臺雞犬靜石潭
雲霧蛟龍眠漁人樵子時相見水鳥山花亦可憐九曲棹歌
誰和得千年遺響墮蒼煙

病中作

茅屋黃花共寂寥病容詩思總無聊山童夜靜分松火道士
天寒送藥苗落木荒陂秋澹澹鳴雞空館雨蕭蕭仙家瑤草
年年長弱水蓬萊路更遙

泊舟九江

身詩新寫卷十一
二
今日泊船九江口昨日泊船彭郎磯木葉風高雁初下蓼花
水生魚正肥荒城隔浦晴吹角明月誰家夜搗衣南望故園
秋色晚青山有意待人歸

九月八日巴河阻風答孟原僉憲

江湖萬里喜同遊漫向巴河滯客舟茅屋誰家還白酒菊花
明日又黃州故園風雨生秋夢上國雲山入暮愁賴有故人
相慰藉燈前談笑亦風流

封陽驛

官船早發渡頭沙迴首東風日又斜千里雲山橫桂嶺一江
春水漲桃花荒村雞犬臨欹岸細雨鳧鷖傍釣槎南望蒼梧
煙樹晚鳳韶何處弔重華

宿開建江上懷閩中故人

東風嫋嫋泛鷗波，倚棹汀洲近薜蘿。
江上流鶯疏雨歇，天涯芳草落花多。
暮雲尙隔蒼梧野，秋興空懷白紵歌。
離別不堪頻悵望，美人南國意如何。

夜坐憶西山草堂寄彭山人

憶共幽人住石門，茅屋日高嘯鳥聞。
山氣溼衣涼似雨，松花吹簾輕作雲。
諸生載酒問寄字，野老杖藜談隱文。
丹砂無成頭又白，空對青燈愁夜分。

寄衡山李中卿

謫仙歸去卧松巢，江上飛花送錦袍。
細寫山川成史記，更吟蘭杜入離騷。
洞庭萬頃秋風早，衡岳千峯夜月高。
欲托瑤琴

明詩新集卷十六
三
寄相憶海天清露鶴鳴泉

田按中卿名懋表陽人與修元史史不詳其事蹟余詳考見貝清江詩後

黃陵廟

虞帝南巡日英皇北望時翠華春不返碧草暮相思萬里重
湖水空山二女祠沈珠真自惜埋玉竟誰知斑竹流雙淚蒼
梧隔九疑天涯龍馭遠鏡裏鳳情悲巫雨淒殘夢湘雲黯
委渚芳迎雜佩波影動靈旗慘淡思韶舞淒涼詠楚辭空餘
清夜瑟幽怨托哀絲

題湖山秋意圖

白水青山澹澹秋晚涼同醉木蘭舟西風無限江南意楊柳
芙蓉不解愁

桂林見梅 二首

忽見羅浮萬鶴羣
水邊林下玉纒紛
嶺南自古無霜雪
喜有寒香壓瘴雲

清池老樹落花稀
雪滿山巖獨鶴歸
十二樓臺天似水
空香散作白雲飛

懷山中

久別山中鸞鶴羣
清齋自禮武夷君
滄江明月扁舟夜
潭似松窗卧白雲

王沂 四首

沂字子與泰和人
洪武初徵爲諸王說書
授福建鹽運司副使
以老辭歸有徵君集八卷

田拔明初兄弟孫詩者二藍外穆氏嘯篋王氏二妙
錢氏三華一家風雅殊堪羨壻集平陽繆仲琳
仲貞所作也蘇平仲爲之序惜今不傳子與與弟
啟詩合爲二妙集門人蕭聖所輯子與洪武初應詔
爲諸王說書授福建鹽運司副使以老辭歸劉子高
有詩送之云萬里金門詔說書一官不拜賦歸墩極
知聖主恩榮重自信儒生計策疏三月鶯花辭上國
十年水竹愛閒居眼看逸翮翔寥廓愧驚駘駕鼓
車子與高不仕之節子敢以教官徵爲御史殆如藍
山隱而藍澗仕也集名徵君集一名竹亭遺稿竹亭
子與別號也

過三顧山

白下水南峙青山多好峯曾攜玉柱杖細看金芙蓉松杉百
尺圍藤蘿千萬疊爾非虛度仙精神乃相接倏然巖谷底彷彿
元圃邱履我舊行迹何殊梁家遊松風落松花片片勿輕
掃更欲三顧棲同君采薇草

謁蘇雲卿祠

古道風沙際荒祠草樹閒崇文今日盛
辟世幾時還薄宦真餘事虛言頗厚顏
翻思徐孺子清節照湖山

度三花嶺

絕壁三千丈荒煙八九家黃茅青草瘴
黑質白章蛇橄欖高懸子芭蕉倒吐花
嶺南一迴首何處是京華

送謝子良驛丞之京

水驛論交舊著名春城分袂若爲情空
羣奇驥長千里惜別流鶯更一聲白
下雨收梅子熟清江風過柳花輕歸
船暫泊應回首五色雲中是玉京

王佑二首

佑字子啟沂弟洪武初以教官舉授監察御史出爲
廣西按察僉事改知崇慶州謫和州赦歸有長江稿

五卷

田按子啟與劉子高交分不淺家住龍灣有南園擅
水竹之勝子高爲作南園灌隱說又有過王氏南園
看竹詩云禁得南園符新成數百竿何年通一徑長
有客來看坐子啟竹林詩云愛爾幽樓處門前青竹
林石床三伏冷池水一春深陪虞管勾幼說坐王子
啟南園竹林詩云王子宅前千箇竹拂簷當戶總蕭
蕭土垣近出青相映池水下通寒不凋上客頻留蒼
玉佩作人時度紫瓊簫重尋載酒題詩處取龍灣
第二橋子啟出知崇慶州子高懷王太守詩云二十
年來南浦客八千里外錦城仙水邊送別秋風冷馬
上恨人夜月圓載酒渡江憐往日聽緩出秋風冷馬
只今飄泊桑乾曲西望酬歌一罔然其謫和州放還
也子高有大赦後一日間王太守自屯所謫免南歸
詩云故人舊謫和陽戍五月初開罷穉園離使南山
歌石爛一天教合浦得珠還子啟生平事蹟皆可於
高詩一見之竹垞詩話引子啟生平事蹟皆可於其

牧崇慶獲罪之由尙未知謫和州屯所一節也因檢
槎翁集補錄於此

自城陵遣阮庚上桂林侯姪伯貞挈家入蜀

念爾何時見相離七月餘如何千里道不寄一行書老恐妻
孥隔貧憐骨肉疏錦城宜早到詞賦話相如

贈別裴伯升

清江科第舊名家千里初乘出使槎離別可憐芳草色淹留
又過刺桐花香爐煙底晨趨珮畫角聲中晚散衙歸到柏司
煩問訊相思雲樹隔天涯

錢子正一首

子正名蒙以字行無錫人洪武初知韓城縣有緣苔

軒集六卷

田按錢氏三華集子正及弟子義族子仲益詩也子
正子義名見徐子元詩談而不及仲益詩綜錄仲益
詩謂得之秦對巖頭氏梁溪詩抄亦稱得自巖中允
繩孫手書本蓋三錢詩始各單行故所見互有不同
三華集爲兩淮鹽政採進四庫本正統中錢公善
等合刻也提要稱子正子義出處始末均無可考梁
溪詩抄謂子正名蒙以字行洪武辛亥進士官韓城
知縣余考洪武辛亥題名錄無子正名則顧氏所考
亦未確矣姑從闕如以俟知者仲益詩別錄入永樂
朝

贈張伯庭

隱士松間已化仙
茯苓此日大於拳
青年有子傳先業
白髮逢人說後天
潦倒自知臨暮景
行藏猶待卜流年
幾時去訪
措機石擬向成都住
一廬

錢子義一首

子義子正弟有種菊菴集四卷

宮怨

夜永長門靜愁多欲斷腸開簾拜新月歌吹在昭陽

陳約一首

約字博文嘉興人洪武中官大理寺卿出爲山西布政使有一默居士集

構李詩繫博文元儒竹林先生長子與弟綱繹緝倡和緝尤有名於時

偶成

京華二月天氣好寒食已過清明來畫樓珠箔燕新語綠樹

清江花亂開

陳緝四首

緝字熙文約弟

田按熙文七律音節瀏亮有唐人標格

送道士謝清一歸吳中

丹鼎紅光照洞庭天壇月色帶疎星
元都道士蒼精劍上界仙人白鳳翎
闔闔朝迴天蕩蕩藥珠經盡晝冥冥
欲從杖屐秋山裏風雨箒燈采茯苓

秋夜懷明本

溪聲漸瀝起蒹葭溪水潺湲漱白沙
大地星流還化石小窗燈冷不成花
江淮烽火三千里城郭民人八九家
避地欲尋張博望月明滄海汎靈槎

送周煥文從唐伯剛之吳興

碧澗堂下卽吳興十里芙蓉繞石城
山簡歸時應倒載條侯

醉後尙談兵
蘋洲雨過秋
聞雁橋里春
深曉候耕事
簡好將
樵唱出水晶宮
裏坐吹笙

弔古

投筮渡江江水空
朝馳淮海暮吳中
江東壯士輕王猛
吳下諸公失呂蒙
山鬼有靈嘒夜月
野花無主怨東風
盡將骸骨填溝壑
誰在雲臺第一功

林公與一首

公與字學民黃巖人

三台詩錄學民與兄耕民弟齊民俱工詩爲潘松溪許介石所重耕民元季先死學民齊民在明初俱不受徵聘

田按公與一號盤所許介石有題林盤所家藏溫日觀葡萄詩公與與弟公存明初尚存元遺民也顧侯君元詩選未錄援明史文苑傳趙汸汪克寬之例存

之

送邱慎餘還舊居

黃山兩佳士曰容懶慎餘如於沙磧中見此古璠瑒妙年負
奇氣并駕四明車縱交豪傑士吐論雄千夫金鞍坐駿馬躡
地紅氍毹三千六百日擊鼓吹笙竽爲樂未及央白日升太
虛翻然理歸榜卽我泉溪居慎餘近碧山容懶臨通衢軒窗
相隱望來往成歡娛賤子幸承接遊從連簪裾溪風柳陰釣
山月花間壺相逢輒傾倒往往忘所趨頻年逢數奇塵網相
縈紆兩君力徘徊義豈魯連殊誓言永爲好桑梓長相於豈
知故園興決若東潰滿容懶不可留新羅尋舊廬子又舍我
去去與容懶俱交歡契夙好展拓伴新圖我懷抱離索鬱鬱

當何如天寒歲云暮霜月梅花初寫言不盡意願效蚤駟且

林公存 一首

公存字義民公與弟

同諸兄送慎餘

經年同里巷一日賦歸與素履紅塵遠清襟玉雪虛臨岐那
忍別得句未能書樽酒網繆處舟行月上初

林公冶 一首

公冶字齊民

田按公冶亦公與兄弟行也

送邱君慎餘

十載交遊處茲辰不可留鵷鴻知有待猿鶴已深愁棹發花

山月詩吟桂子秋九峯無百里回首思悠悠

李毓 五首

毓本姓林字長民黃巖人

田按長民亦公與兄弟行也一號藥所許介石有題林藥所家藏子昂枯木竹石圖詩長民詩沖淡有陶韋意趣

送許介石

出門送夫君信知離別苦窮居天一涯浩懷誰與吐念昔傾蓋初開口見肝膈誓將掃石床共卧松蘿雨風雲忽西來去若黃鵠舉幽期不果諧玉樹何時視飲餞出芳郊青陽滿寰宇雲鴻逝冥冥遊魚亦江渚相思幸寄書在遠當自樹

臨水感懷

觸事卽成感苦心誰復知青春漸漸去鬢髮生華絲同裳豈
無人慨悵今昔非東流尙不盡爲寄長相思

次韻答介石秋夜見寄

山堂夜無月所見螢燭輝幽懷忽破碎澹若無所依思得同
心友攜手同車歸誰歌綠水曲要渺凌空飛

答翠易子

離居感急景寧荷念同裳佳期渺難合遠意孰與將風颺石
林靜日落松筠涼祇應羽駕來共采瑤草芳

題弟齊民禱雨有感卷

卧龍不肯爲時出旱魃有意如人長爾能呼龍起冥漠我心
得雨生清涼池塘一夜煙草綠江天萬頃魚波蒼潘君志喜

動新作墨花猶帶龍涎香

田按三台詩錄稱齊民上寒坑祈雨有應士人爭爲
歌詩此詩亦同時作也潘時岡喜林橋隱禱雨立應
云寒坑山倚天起六丁鑿開混沌髓下根滄溟幾千
里六月陰風吹鬼雨陰尊出入雲纒儼今年旱魃肆
威怒林君乞靈誠齋側足元宮不自憐風先驅兮
雨隨履頃刻如注天瓢水郊原一覽生意新松底流
泉自相語時岡字鶴亭黃巖人

董佐才一首

佐才字良用上海人洪武初薦辟授洛容知縣

田按良用與弟良史並有文譽良史詩別見

讀杜詩有感

幾年京國暗戈矛淪落誰憐杜甫愁春漏也曾嘆錄事秋饑
仍復問彭州平生忠義貧逾見小技文章老更優我亦此身

無定處夕陽孤倚仲宣樓

王鈞 一首

鈞字天全嘉興人

田按天全與兄鏞有合刊詩藁惜今不見詩綜已錄
鏞詩余據橋李詩繫補錄天全詩一首

水竹居爲朱克恭賦

文采風流偶晉賢由來蹤迹托林泉
候門童子清如鶴留客
軒窗小似船錦鯉寄將書咫尺
綵鸞飛下月嬋娟何時把酒
同燒荀卻訪東坡笑渭川

張輿 一首

輿字行中仁和人洪武初上書授刑部主事與弟恪

合作聯輝集

田汝成委巷叢談洪武中浙江都司徐司馬令郡城
人家植冬青樹於門數年後街市綠陰而地張輿賦
詩云比屋冬青樹人皆隱綺羅春風十年後維恐綠
陰多

約可閒老人訪王藥圃

明朝寒食風日晴可閒欲同湖上行先拾玉壺園上翠卻聽
瑤石山頭鶯茶鐺煩爲試新火杏酪不須和冷飭君若肯將
花徑掃日高相與到柴扃

張輅一首

輅字行素興弟

贈陳士甯

橫溪別業錦雲鄉紅白蓮花薜荔牆百事不關心獨靜孤雲
無著興偏長佳人雪藕供微醉童子分茶坐晚涼如此好懷

誰解寫詩成還讓孟襄陽

鄭杕一首

杕字叔韃浦江人有學古齋集

田按浦江鄭氏號爲孝義家元明兩朝均詔旌表其
門明初有曰淵曰消曰濂曰澁者皆以行誼聞太祖
詔濂等入見問以治家長久之道對曰守家法而已
太祖深嘉獎之拜提爲福建參議洪武二十六年東
宮官屬久缺命延臣舉孝弟節行之士廷臣以鄭氏
對太祖曰鄭氏朕素知之聞其里人王氏亦依鄭氏
家法皆可選用以風勵天下乃徵兩家子弟三十以
上者請闕旣至令自推舉鄭氏舉濟王氏舉勳乃命
濟爲左春坊左庶子勳爲右春坊右庶子二十九年
復選才闕右曰沂者召爲禮部尙書其從子餘拜御
史楷蜀府教授扶其兄弟行宋學士景濂女壻也

海棠

映肉紅紗曉睡遲一絲春色力難支開元舊事無人記猶有

東風作畫師

鄭枋一首

枋字叔車

田按叔車亦枋兄弟行也

江南曲

妾家住在錢塘曲門前歲歲湖波綠垂陽十里鎖輕陰芙蓉
千柄送奇馥翠雲帖水風颼颼白蘋紅蓼早催秋大姑小姑
惜芳遊見花顰眉愁復愁移船西來泊花底藕花染紅蘋葉
紫妾身不爲浮蘋生願作蓮花守紅死

繆仲琳一首

仲琳永嘉平陽人洪武初平陽訓導

客夜

田按仲琳與弟仲直有壩篋集蘇平仲稱其麗藻交
映逸韻迭發鏗鏘炳煥震耀遐邇洪武初兄弟皆徵
至京師官之不拜歸而縣丞延仲琳爲訓導縣令延
仲直爲訓導惜壩篋集不可得僅見仲琳一詩而已

城頭燈影寒鴉散聲悲咽東歸一葉舟夜泊松江雪

黎慎一首

慎字充輝以字行清江人

東里文集充輝詩清新雅則有唐人韻致
江西詩徵充輝童子時爲詩輒有奇語長從梁石門
遊博通羣籍落魄不羈永樂初應明經召至京授職
不就歸

田按充輝與弟潛輝有倡和詩楊東里序其簡端云
黎氏伯仲京華倡和之什瞻而實婉而切清江玉笥
之閒山川靈秀鍾於人挺然英傑兄弟並起馳聲當
時而流聞來世如二劉三孔者去今未遠也將無繼
之而興乎爲名輩引重如此充輝有清節潛輝永樂
朝進士月詳別卷

蒙山

飛峯起中天，淩雲疊連嶠。征驂駐其嶺，遐眺入冥漠。巖泉煙
際瀉，奇石空中削。天風送黃鵠，長飛向寥廓。盤盤青天外，厚
地何磅礴。丈夫四方志，天地安所托。仗劍歌遠遊，徒御總錯
愕。結想陟崑崙，煙霞正綿邈。

明詩紀事卷十七

貴陽陳田輯

甲籤

銘炳二十二首

炳字彥昂以字行鄱陽人明初獻書言事授中書典籤出爲大都督府掌記除東阿知縣引疾歸有春雨

軒集十卷

四庫總目劉炳詩格伉爽挺拔類其爲人

詩談江西二劉彥昂承直雄俊相似

田按明初詩家燕京感事者以宋仲敏壬子秋過故

宮十九首爲最劉子高早春燕城懷古六律亦其亞

也子高詩云金水河枯禁苑荒東風吹雨入宮將樹

頭槐子乾未落沙際草芽青已黃北口晚陰猶有雪

陽秋月春花不可論關河形勝古來存燕歸遼閣銅

騫墜人散高門石歌蹲牛引柴車穿柳巷馬啣霜草
出花園山來在德非關險不獨阿房可斷魂海內蒼
生困亂離宮中舞女門屢肢金渠水矮龍船出彩檻
花香翠輦移松樹盤空皆偃蓋柳條拂地更垂絲迷
樓不獨江都恨鳥窠龍沙更可悲彥昂燕城懷古一
律足與相抗廣寒宮殿玉爲樓萬歲巖峰壓九州番
國胡僧青鼠帽天魔宮女彩龍舟鈞陳蒼闕山南拱
太液紅橋海北流唯有蘆溝游上月年年鴻雁不勝
秋彥昂詩爲楊廉夫米景濂危大樸所推重余衡其
品於西江明初詩家在子高之次與新城劉子憲正
足旗鼓相當彥昂精鑿賞流傳古書畫往往有其題
跋宋景濂嘗稱之

憶園廬

種園在東臯草荒瓜蔓長日落秋樹涼
蓑衣獨還往時逢野老愁自足田園賞
沿溪暝忘歸古寺煙鐘響

哀周伯士上清人

陰洞懸乳泉石沁古苔峭紺粉落秋江芙蓉澹斜照孤吟白

日晚疊嶂玄猿叫高懷誰與傳天風遞長嘯

哀趙子常

晨樵歛山青暮吸歛水綠閉戶動一紀守道不干祿平生春
秋傳疑義如剖竹哀哉青城翁心喪三年哭

哀方方壺

蓬萊五雲宮金粉飾椒壁醉時卧瓊瑜酒醒灑墨汁傲世雙
眼高鬼谷白雲溼玉堂寄書來落月夢相憶野鶴弔孤松衰
螢照荒陌

哀黃季倫

折節委榮寵頓將生死齊秋荷補壞衲空林旅幽棲懸燈禮
繡佛清齋烹露葵虎溪流古月自與遠公期

哀葉楚庭

船頭酒百壺船尾書百冊間騎桃花馬醉弄西湖月狂吟捲
秋濤聲撼扶桑折滄海無還期哀魂楚雲結

哀吳用晦

其祖月灣先生也

滄灣俯空寒老月懸古色殘花漂斷沼野徑繞荒宅王珣稱
短簿牙笏猶故澤文藻遺江山蒼茫暮煙隔

行路難

奉君五彩鳳凰之綺幄七寶鸞鴛之錦牀博山氤氳之水屑
金盤沉瀟之瓊漿春風無情不相待朱顏綠鬢年年改姑蘇
臺上鼓如雷四時歌舞百花開當年意氣今安在鬼火如燈
秋似海

弔晉安將軍歌

荔枝城頭花簇簇王孫不歸春水綠黃金臺前煙草荒傷心
獨倚青雲哭淚漉漉江江倒流楚魂暮咽楓林秋蕉黃醕綠
湘竹語岷山石斷行人愁信陵門下簪纓會珠履筵前幾人
在軍中擊鼓夜不眠珠翠成行鳴劍佩王孫王孫真貴人落
筆龍蛇驚鬼神千金散土馬蹶盡鐵甲置卧雙麒麟桑柘陰
陰連大路野市書聲晚當戶部曲悽涼白髮稀甘棠猶指將
軍樹玉鳧金雁漆燈殘化鶴千年何日還有酒誰澆趙州土
碧血化雨苔斑斑王孫王孫不可招仰天擊碎青桐瑤寸心
何處寫哀素江上年年生暮潮

漢之季

哀故御史余公闕守舒城死節而作

漢之季洪流何湯湯赤子爲龍蛇蔓於漢以淮割我城邑圖
不祥天子曰嘻予何以奉宗廟朝羣臣登明堂曰予近臣御
史闕咨爾撫師古舒國闕以外爾制之賜爾三百衛士斧與
節毋黷民毋究刑苟附而安文武并用禮之經臣闕昧死頓
首泣主憂臣辱敢不力御史騎馬來萬姓淚落喜且悲子我
塗炭民漢官威儀今見之東市牽牛羊西市羅酒漿紛紛列
道左御史下馬相扶將諭以天子聖且愛明見萬里外宵旰
不遑食兵爾饑爾苦顛沛御史雖愚頗知忠與慈惟爾患難
相扶持鼓爾鼓旗爾旗疾則疾徐則徐壯者戰守老者居俾
爾農桑毋奪食桑青麥茫茫牛羊走邱墟御史城上行茅
屋人家聞讀書以心感人心敵至輒敗不敢窺城東嘯虎豹

城西嘯熊罷蕪黃攻始退山越什什伍伍來相圍裹瘡戰城南吮血戰城北大船小船捍江列嗟城中如流魚御史奮臂城上呼悲風揚塵沙起白日無光士爭死糜無粟士氣衰朝食城上草暮煮城下其癘疫相枕何流離御史斬愛馬士卒不忍食日久援不來矢盡兵殘益危逼梟騎死野戰烏鳶銜肉流尸僵孤城坐殄瘁土山地道不可當御史誠不德握手謝父老爾民多殺傷御史登城北面拜稱臣萬死無以報陛下闔室竟與城俱亡楚山蒼蒼楚水洋洋御史之節功烈顯彰天之奎璧地之河嶽人之綱常千載弗渝日月普光誰能置廟復立社享爾祀爾百世及天下

田按忠宣守安慶逾六年小大二百餘戰戰無不勝糧絕城陷以死彥昂嘗從忠宣軍事間故能道其詳

如來守餘舒舒州城小鐵不如下長江限濠棚周遭
守備用白夫賊子干城不得踰大夫叱戰人爭趨
嬰魍魅半就死陰風吹血腥東吳七年孤兵經百戰
白日炯炯忠義俱我民衣食仰官給力効死甯唯
盱王師不援百計疏城中食盡官無儲沔陽健兒肆
剽殺師人逮盡終何辜大應戰如走珠誓國當愛
千金軀寶刀斷折笳暗鳴戰不持鐵至日哺絕咽剝
膚血濺不游魂半空罵賊奴大夫白骨行將枯大
赤心死不渝蓋亦參謀忠宣軍者惜不詳其名也宋
景濂作余左丞傅稱公詩文篆隸皆精綴可傳張來
儀有餘將軍如彌長江西來繞城已奔鯨鯨如雲壓
舒州之城大如頭寶劍未動賊已奔鯨鯨如雲壓
脚將軍提劍坐城頭寶劍未動賊已奔鯨鯨如雲壓
爲渾孤軍六年二百戰王師不來城自存無兵猶與
戰無食安可支豈無愛妾與馬殺之不壯士猶與
力盡勢竭將奚爲倉皇齧舌罵不已義士三千同日
死只今猶有盡忠池碧血清冷化爲水軍持節東
州時作此篆書形崛奇妙墨已隨神物化好事當時
臨得之雖非真意獨在垂金屈鐵蛟螭我拜重
是忠臣迹秦斯雖古其人非嗚呼將軍此書記者誰
請君慕取活溪石上中興碑

過南湖觴

城頭開船北風起帆輕直過南湖觴上水歡呼下水嗟龍王
廟前准燒紙小婦攀耆楊柳磯淮鹽換得鱖魚肥沽來新酒
不成醉卧聽鄰船歌竹枝

題夏博士晉王羲之右軍像

上東門外胡雛嘯萬里塵飛洛陽道潛龍東渡晉中興羣馬
南浮國重造石城龍嵒昔所都庶事草草嗟良圖衣冠簡傲
禮樂廢朝廷放曠君臣疏大令平生最超卓早年門第居蔡
閣內史新除典要樞右軍任重參帷幄擅場翰墨出神奇蔡
衛鍾張早得之畫長燕廩森兵衛日煖鵝羣戲墨池來禽青
李蠶盛寄裏鮓黃庭醉後題春風三月山陰曲羣彥流觴映

修竹一時簪冕屬高風百年文藻懷芳躅流落斯文感古今
後代宸聰復購尋小字昭陵傳玉枕數行定武抵千金忽見
畫圖雙眼失采采丰神驚玉立羽扇蕭疏晚日晴烏紗彷彿
秋塵襲繁華如夢轉頭非典午山河幾落暉唯有鳳凰臺上
月春風依舊紫簫吹

瓊姬墓宋仲珩同賦

野花凝粉鈿瓊姬醉時面夕露柳絲長瓊姬晚黛妝行人墳
上莫回首一顧春風一斷腸

田按姑蘇志瓊姬墓夫差女也與夫差墓相近高季
迪徐幼文均有詩附錄於此季迪云夢別芙蓉殿頭
蠻釵零落誰收土昏清鏡忘曉月冷珠襦恨秋麋鹿
昔來廢苑牛羊今上荒邱香魂若怨亡國莫與西施
共遊幼文云館娃宮裏已堪愁况值泉臺閣小邱月
冷寶奩無復曉池空玉雁不知秋蘿間舊屋僧來住

竹下新亭客過遊不有佳名留郡志誰能識此爲停舟

旅中除夕簡劉子憲助教張左司

麝煤凝鴨鎖虛窗虎衛嚴城禁漏疏鄉夢牽情千里遠客愁
隨臘一年除酒痕釀煖春連甕梅粉吹香晚近廚自寫桃符
燒短燭壯懷那厭食無魚

和九日韻寄朱見中

野樹荒臺帶晚陰昔年歌舞憶登臨桃花紈扇西風冷蔓草
銅駝夕露深舊夢青雲連館閣多情華髮老山林江南庾信
傷秋倦疏雨簾櫳怯暮砧

弔杞上人

重來湖上弔山僧淚落東風憶葛藤江海有詩傳慧可叢林

無法繼盧能草深方丈迷春屐塵暗袈裟掩暮燈因憶沔陽
錢太守芭蕉亭上賦詩會

待渡溪滸寫懷

繁華雲物都非舊一片寒沙卧夕陽唯有壞垣春雨裏野花
猶似美人妝

桃花扇底春風面一曲吳歌一斷腸紫陌紅塵多少夢鬢絲
贏得老劉郎

秋詞

廣寒樓閣玉爲梁月裏姮娥百寶粧流水莫題紅葉句人間
天上隔宮牆

題葉楚庭醉漁菴簡彭敬宗劉子原子載子明

落盡茶蘼草覆茵二分流水一分塵小車都載鵝黃酒蘇小
墳前醉過春

暮春寫懷

晴雪飛棉柳樹斜雨餘紫陌淨無沙春風日日騎官馬兩袖
東風看落花

同周伯甯連楊劇談悲歌有感

醉來拔劍斫珊瑚嬾向侯門更曳裾夜半聞雞眠不著草堂
秋雨讀陰符

甘瑾十三首

瑾字彥初臨川人明初嚴州同知

國雅甘二字彥初思頗清僻如一瓢風外樹雙屐雨
中山白草交河道清笳捕虜營錦衾成獨旦羅扇覺

先秋亦是高唱
列朝詩集廿
中與彥初及
美女簪花可
知或云翰林
田按彥初詩
從朱性父珊
瑾作豈流寓
光嶽英華均
郎一輩人
題作餘千人
彥初律體音
節高亮是錢

植芳堂

猗蘭被九畹佳蕙滋百疇
荃蘅與杜蘅羅生交綢繆
俟時苟不利蕪穢將誰尤
朝吾芟宿莽夕吾漑清流
冀茲枝葉茂充子雜珮酬
撫琴發清商揚舫泛中洲
美人隔南浦延伫增離憂
攬芳結續紛日暮聊夷猶
誓言寄所思川路良迢悠
恆恐年不與鵲鳩鳴先秋
陰風集中野眾芳萎林邱
蘭芷變不芳

紫葳漫道周靈均去已久千載誰與儔
英英雲間彥雅嗜取冥搜靡蕪集
遠思再感王孫遊何所無芳草子獨
良好修願言闕英采以俟知者求

題高伯昌遠遊卷

九月朔方城河流已涸凝氈車馳犯
雪乳椀飲兼冰汗血宛西馬奇毛代
北鷹良材資國用翹首卽飛騰

公孫

躍馬公孫氏荆湖舊拓疆函書鄰好
絕陞戟霸圖荒城堞迷秋草樓船散
夕陽龍文成五采終古在芒碭

田按甘彥初躍馬公孫氏一章爲陳友諒而作也淮
張事多有以詩紀之者友諒事不多見余檢孔迥雲
蕉館紀談陳友諒在江州時嘗以春暮結絲爲花樹
自府第夾道植至匡山又翦繡於道上與宮人乘肩

與而行黃信詩云錦繡鋪張春色滿小車花下麗人行是也黃信詩不多見附錄於此

龍虎沖虛張真人遊仙詩

世業神明裔朝家禮秩優祝釐宣室夜賜曲鑑湖秋海月虛
瑤席天風颺玉虬谷神應不死獨與化爲謀

默觀元化運乘彼白雲歸廣野悲張樂青山笑拂衣玉棺天
上葬神劍斗閒飛圭組發崇舊宜看奕葉輝

讀靖康遺事

杜鵑嗥老洛城東烽火郊畿縱犬戎廟畧合收淝水捷虜盟
誰定渭橋功銅駝故陌迷芳草黃屋驚塵捲朔風一自鼎湖
龍去後小臣何地泣遺弓

讀史有感

汴流西繞漢時宮
陵樹蕭蕭易朔風
金盃不冰銀雁去
銅仙無露玉盤空
御溝流水人閒碧
禁苑蟠桃海上紅
卻憶晉家南渡客
清談不記誤和戎

錢塘懷古

落木驚波入虜塵
新亭空集北來人
神州未復英雄老
王業偏安歷數屯
萬騎星屯潮捲夕
六宮雲散草生春
百年江左偷安計
泉下惟應泣老臣

閑居感舊

待詔金門擁珮珂
南征殊賜洽謳歌
亦知江總蒙恩數
每愧楊雄識字多
頭白一官今自老
汗青千載竟誰磨
可憐夢裏釣天曲
回首蓬萊奈爾何

遊龍虎山

流水灣迴路百盤，化人樓閣倚清寒。
枕中鴻寶長生錄，屋外元都太古壇。
金鼎有丹先試犬，玉簫無曲不吹鸞。
麻姑未老秋霜鬢，幾見扶桑海未乾。

寄馬彥曾

百戰孤城血未乾，故人書札報平安。
秋風代馬思燕草，夜月湘歌怨澧蘭。
萬里江湖仍旅食，百年天地自儒冠。
山陰更有誅茅地，仗劍休辭行路難。

次張文學韻寄涂貢士

豈角城頭曲未終，十年哀怨萬方同。
黍離正恨傷周切，章甫翻憐適越窮。
黃葉空山僧舍雨，滄浪衰鬢釣絲風。
閒愁欲遣

三千斛濁酒甯辭一百箇

長沙夾夜泊

漠漠蒹葭斷渚連
烽亭亭鼓報更傳
迴風吹樹纜初繫
斜月照蓬人未眠
雁足寄書懷歲晏
蟹螯新酒及霜前
滄浪遠浦寒燈外
尙有漁郎未叩舷

朱弘祖一首

弘祖字彥昌臨川人
洪武初以明經舉官都稅大使
有東皋耕叟詩八卷

青溪眼筆太祖高皇帝以至正十五年乙未取安慶
及太平甯國趙雙刀陷池州余忠宣公守安慶使判
官莫倫赤市鹽浙東還泊龍灣時方以兵邀之莫倫
赤自稱安慶使者太祖聞之曰余公元名臣使當道
皆若之天下豈有亂哉命諸軍勿得俘掠以禮宴勞
之遣還且曰告余公善自爲守又曰老趙在池州素

環溪亭

無仁心恐汝去不能免也吾以書與汝至則以示其
左右莫倫赤至池州果爲所得也悉爲所掠而莫倫引
但免汝一死耳鹽貨不可得也趙雙刀陳友諒引
遂得生還福攻之守安慶也趙雙刀陳友諒引
羣盜四而攻之太與之接壤未嘗加以一鏃雖
曰兵不攻堅而神之廟算皆由天縱非一時英雄所
能知也其時友諒已偕大號據有全楚隱然一國而
太祖初提一旅之師渡江而來若悉力疲眾以攻而
堅城不惟頓兵挫銳然自撤屏翰身受強敵則亦安
能從容俯仰矚兵秣馬以觀四方之變而後出萬全之
計哉此其遠畧何如也以是而論余公雖爲元守實
爲我用豈非天佑國家故使之然乎其後友諒雖下
安慶然兵力亦自是漸衰而勃興之朝已莫之能禦
故陳氏不旋踵而滅也臨川朱彥昌有弔余公詩一
聯云十年血戰身無援一旦唇亡齒亦寒下句蓋指
友諒而云耳於此見受天命者其所云爲固自異也

一曲清江抱畫闌八窗如在落星灣紅塵隔斷花香外白浪
飛來鏡影閒蝌蚪舊藏書帙淨蜻蜓長立釣絲閒何由動我

山陰興卻棹扁舟雪夜還

李鎬一首

鎬字叔京臨川人洪武初徵爲國子學正轉翰林院編修領中都國子監事

田按叔京植芳堂詩顧嗣立錄入元詩選矣集而不詳其仕履余檢蘇平仲集北麓處士李公墓誌云李鎬字叔京臨川人篤學能文應詔至京師擢國子學正轉翰林編修領中都國子監事洪武戊辰入考會試與伯衡同事蓋叔京與平仲同考會試因爲其父北麓求誌墓也雙槐歲鈔云洪武戊辰會試以蘇伯衡李叔荆爲考試官豈叔京亦以字行耶元詩選誤作元人會煥江西詩徵亦沿其訛余爲考正如此

植芳堂詩

春陽被臯陸時雨浹初晨荷鉏臨前除闕壤當荒榛藝本曰成列培根毓奇芽條枝及時榮莠芻糶以分服綵憩嘉蔭端

居離垢氛眷茲世葉繁德馨惟日新興言用棄穢庶以樂吾
真

趙迪一首

迪宜陽人洪武中官吏部侍郎

田按洪武時有兩趙迪一河南宜陽人初姓張洪武十九年由歲貢任吏部左侍郎見弇山堂別集卿貳表一福建懷安人俞汝成明百家詩所稱鳴秋山人也收齊誤作一人竹垞辨之極詳余據弇州卿貳表佐證益明兩存其人一見此卷一見二十一卷

元夕應制

龍樓錫宴月初斜寶炬星分照翠華五夜歌鐘連甲第千門
燈火映皇家錦筵人醉飄金縷羅綺春晴散綵霞自是宸遊
多樂事叨陪幾度賜宮花

劉秩 三首

秩字伯序豐城人吳元年授典籤除檢閱出爲武安州同未行改知崇明州以誣被謫事白棄官歸有聽

雪蓬集

列朝詩集伯序知崇明州奏免租課民立祠以祀之未幾提點鹽法發其奸被誣下獄幼子孫年十二詣闕訟冤上白其事斬誣者竟棄官歸事在危素獄記

東湖女

東湖女兒髻縮鴉清晨結伴來西家碧羅裁衫照秋水香酥
暈臉明朝霞儂家住在大隄曲幾度採蓮湖上宿江南遊客
最關情相思一夜秋波綠

冬日卽事

縣邑干戈後城空景寂寥山寒雲釀雪江晚月通潮壯士征
衫薄將軍戰馬驕只今邊境上誰是霍嫖姚

秣陵懷古

秣陵風物近如何兵後登臨感慨多雲淨石頭秋嶂出月明
淮口暮潮過離人暗滴青衫淚商女空懷玉樹歌忽憶舊時
驄馬客于今白髮老山阿

陳元達一首

元達字子曉黃巖人洪武中知新樂縣

紫駟馬

紫駟馬黃金鞍青絲絡頭瑪瑙寒馬上誰家年少子錦裘繡
帽驚人看平生鬪雞不識愁日日長衢走紫駟豈虞勢去如

崩瓦紫駟空棄槽檻下日暮驅逐如亂兵饑向鴛駘乞殘莖
紫駟馬古來貴盛皆鮮終遺棄舊物不足惜輕薄取敗非英雄

何明遠一首

明遠字文儀黃巖人明初應詔授明州市舶提舉

寄宿旅邸

旅館藜床七尺慳草茵零落布衾單五更霜淨天如洗人與
梅花一樣寒

張存一首

存字性中丹陽人洪武初貢生官遂安主簿有雪洞

先生集

練湖亭

孤亭倚太空，修篁落疏影。境靜心自閒，頓覺塵事屏。橫琴鳴冰絃，古調誰能省。顧此澹忘歸，滿山秋月冷。

諸葛伯衡一首

伯衡名阡，以字行。蘭溪人。洪武初，以薦授北平雜造局大使，終廣東參議。

墨梅

玉龍倒吸墨池乾，鱗甲驚風片片寒。喚醒羅浮仙子夢，暗香和月到闌干。

魏資政一首

資政字之觀，宣城人。洪武初，以薦授棗強丞，遷監察。

御史

元妙觀

一簇煙霞擁碧峰
已知羽士躡仙蹤
客來衡嶽騎青鹿
祭罷雲壇起絳龍
座上老師能啖柏
庭中雛鶴未離松
道人自種黃精食
敲火烹香不用春

李純道

一首

純道字思文東陽人明初教諭有易簡齋三桂齋稿

題西巖紫霞洞

隱君獨愛西巖奇
丹厓石室相蔽虧
青松蔭地土花長
碧蘿挂月秋陰垂
每從雨後拾瑤草
時向人閒歌紫芝
遙想高風在林壑
何當躡屐相追隨

李徵一首

徵山陽人洪武初國子生授考工監令擢兵部尙書
次若虛泛舟

月滿船窗睡起遲鄉情詩思兩依依山光笑我重回棹春醪
憑誰一典衣撲面風塵偏作惡傍人水鳥欲忘機故園到日
春還在幾處薇花照晚扉

錢復亨二首

復亨松江華亭人洪武初以薦爲嚳縣教諭詩續作
蕭山教
論有講餘集

送黃太守

江北江南春早山前山後暮晴芳草渡頭客散桃花馬上人

行

題畫

石門斜帶曉山開
楊柳陰陰護綠苔
何處畫船晴雨外
綺羅風裏載春來

李思齊 一首

思齊字齊賢東陽人元進士知龍泉縣洪武中以薦授河南按察僉事命下卒

題徐氏蒲石卷

獵獵石上蒲青青
迸苔碧何人寫冰紈
清氣生几席